



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Decreta Caelestini Papae I. Qvae Svnt In Corpore Decretorvm Gratiani,
Nec Habentvr In Sverioribvs ipsius epistolis vel Decretis, numero IV.

urn:nbn:de:hbz:466:1-14918

D E C R E T A
CÆLESTINI PAPÆ I.

QVÆ SVNT IN CORPORE DECRETORVM
GRATIANI, NEC HABENTVR IN SVPERIORIBVS
ipsius epistolis vel Decretis, numero IV.

P R I M V M.

In alterius parochia, nisi eo vocante, nulli aliquid agere licet.

Nullus primas, nullus metropolitanus, nullus reliquo-
rum episcoporum alterius adeat ciuitatem, quæ ad eum
non pertinet, & alterius episcopi parochiam super eius
dispositione, nisi vocatus ab eo, cuius iuris esse cognosci-
tur, vt quidquam ibi disponat, vel ordinet, aut iudicet, si
sui gradus honore potiri voluerit: sin aliter præsumperit,
damnabitur: & non solum ille, sed & cooperatores &
consentientes ei: quia sicut ordinatio, ita eis & iudicatio,
& aliarum rerum dispositio prohibetur. Nam qui ordina-
re non poterit, quomodo iudicabit? Nullatenus procul
dubio iudicabit, aut iudicare poterit.

9. quæst. 2.
Nullus pri-
mas, nullus
metropoli-
tanus.

S E C V N D V M.

* carna-
tem
* spiritua-
lēm
*Par pænitentia ei indicitur, qui * spiritualem filiam, & ei qui
* pænitentialem suam violare montratur.*

Si quis sacerdos cum filia spirituali fornicatus fuerit,
sciat se graue adulterium commisisse. Idcirco femina, si
laica est, omnia derelinquit, & res suas pauperibus tra-
dat: & conuersa, in monasterio Deo usque ad mortem
seruiat. Sacerdos autem, qui malum exemplum dedit ho-
minibus, ab omni officio deponatur, & peregrinando
duodecim annis poeniteat. Postea vero ad monasterium
vadat, ibique cunctis diebus vita suæ Deo seruiat.

2. quæst. 1.
Si quis sa-
cerdos
cum.

T E R T I V M.

*Episcopi, aut presbyteri, cum sibi confessa fornicantis, pæna
seu pænitentia quæ.*

Non debet episcopus aut presbyter commisceri cum 30. q. 1. Non
debet.
Sff iij

SIO CÆLESTINI PAPÆ I. DECRETA.

mulieribus quæ ei sua fuerint confessæ peccata. Si forte (quod absit) hoc contigerit, sic poeniteat, quomodo de filia spirituali, episcopus 15. annos, presbyter 12. & depo-
natur tamen, si in conscientia deuenerit.

Q V A R T V M.

*Quæstionis de binis uxoribus uni dudis, quarum prior non
fuerat solenniter despensata, expeditio.*

35. dist. 6.
Videtur
nobis.

Videtur nobis, quod secunda, quam contra prohibitio-
nenm ecclesiæ duxit, non sit vxor, etiam si primam non ha-
beret despensatam. Nam quod contra interdictum & or-
dinem ecclesiæ factum est, ratum non haberit, tam huma-
næ, quā diuinæ legis proclamat auctoritas: quia ea, quam
inordinate superduxit, prohibitione renitente, vxor non
est. Eam cogendus est recipere, quam iurauit, & despon-
sauit, & ex qua prolem genuit, vt iuramenti religio non
vilipendatur, & fides adiuvicem promissa seruetur, pro-
les in cultu Dei nutriatur & educetur, & alii exinde occa-
sionem peccandi, & alios decipiendi, assumere non va-
leant. Quod autem parentes, fratres, & cognati vtriusque
sexus in testificationem filii & filiæ, ad matrimonium con-
iungendum vel dirimendum admittantur, tam antiqua
consuetudine, legibus approbata, quam diuinis & huma-
nis legibus approbatur. In dirimendo autem matrimonio,
ideo maxime parentes recipiuntur, * siue si defuerint pa-
rentes, proximiores admittuntur: quia unusquisque suam
genealogiam cum testibus & chartis, cum exercitatione
& recitatione maiorum scire laborat. Quia igitur aliis
melius sciunt, ideo maxime admittuntur. Similiter etiam
recipiuntur, & in testificationem matrimonii coniungen-
di. Qui enim melius recipi debent, quam illi, qui melius
sciunt, & quorum est interesse, ita ut si non intersint, &
consensum non adhibuerint, secundum leges nullum fiat
matrimonium? Quod vero legitur; Pater non recipiatur
in causa filii, nec filius in causa patris; in criminalibus cau-
sis & contractibus verum est. In matrimonio contrahen-
do & disiungendo, ipsius coniugii prærogatiua, quia &
fauorabilis res est, congrue recipiuntur.